

Då eg før jul vart kalla inn til SU møte på Matre skule fekk eg litt orientering om korleis staa er der. Rektor fortel om positive elevar trass «åresvis» med koronareglar og kohortar, som omtrent endra seg for kvar pressekonferanse ein periode. Dei skryter og over elevane sin oppførsel på skulen, og det er so å sei ingen hærverk/øydeleggingar.

Det er to ting både tilsette ved skulen og elevane tenkjer er spesielt viktig at kommunen tek tak i. Det eine er busstoppen ved skulen, evt mangel på busstopp. Dette har vore ei utfordring og vore jobba med lenge, men ikkje vorte noko betre etter at det kom ny bru mellom skule og barnehage. Bussane lyt stoppa i vegen ved av/på stigning. Dette fører til at elevar, bilar og bussar hamnar i ei go smørje utanfor skulen morgon og ettermiddag, og farlege situasjonar oppstår. Her håpar me at me kan få ei rask og trygg løysing på plass!

Det andre er skulebygningen. Det vil sei den delen som er frå 1968. (småskulen og mellomsteget)

Her er det stort etterslep på vedlikehald. Elevane nemner fleire ting, bla I klasseromma er vindauga sett opp som rømmingsveg ved evt brann, men desse har ikkje lete seg opna på lenge. Den delen av bygget som rommar bla sløydsalen, vert ofte stengt ned om vinteren. Dette fordi de vert so kaldt der at det til tider frys på innsida av glasa...

Me veit at etterslepet på vedlikehald på kommunale bygg er større enn me skulle ynskja, og at det vert sett av pengar til både skule og barnehage. Men at Masfjorden si «framtid» lyt ha boblejakka på i timane vinterstid alternativt stenga ned ein del av skulen bør me klara å unngå.

Håpar me kan prioritera eit løft for skulane og barnehagane i kommunen.